

Aqutsinermut Allattoqarfik fuldmægtiginik/suliniutininik aqutsisunik/ataqatigiissaarisunik marlunnik pissarsiorpoq – Piffissaq tamakkiisuunngitsumik atorfinissinnaasoqarluni

Aqutsisoqatigiit Naalakkersuisorlu ulluinnarni suliffigisaannut qulakkeerinnikkusuppit? Suleqatigiit ulapaarfinni pitsaassutsimillu qaffassissumik angusaqartartut akornanni suliassarpassuarnik ataqatigiissaarisarneq nuannaraajuk? Aamma allatat pitsaassusaannik qulakkeerisarneq, suliffeqarfiup iluani aaqqissuussineq ingerlatsinerlu, kiisalu IT-mut atortut suliffeqarfiullu iluani suleriaatsit ineriartortinneqarnerannut siuttuunissat nuannaraajuk?

Taamaappat illiuvoq Naalakkersuisoqarfiup Aqutsinermut Allattoqarfiani atorfissaqartitarput.

2026-imi novembarip aallaqqaataani imaluunniit isumaqatigiissuteqarnikkut piaartumik atorfinitsitsisoqassaaq.

Atorfik pillugu

Aqutsinermut Allattoqarfik Naalakkersuisoqarfimmi immikkoortortaqaarfiit sisamaasut ilagaat, tassanilu ineqarneq, sanatitsisutut inissisimaneq, illunut oqartussaaneq, attaveqaasersuutit, isorliunerusut upalungaarsimanerlu pillugit Naalakkersuisoqarfiup suliassai isumagineqartarput. Naalakkersuisoqarfimmi sulisut 50-it missaanniipput. Aqutsinermut Allattoqarfik arfineq marlunnik sulisoqarpoq, aammalu Naalakkersuisoqarfimmi sulisunut sullissiviulluni.

Immikkoortortaqaarfimmi suliassat ilaatigut tassaapput Naalakkersuisoqarfimmut Naalakkersuisumullu saaffiginnissutinik ataqatigiissaarisarneq ingerlatitseqqittarnerlu, Naalakkersuisunut lnatsisartunullu aammalu taakkunanngaanniit suliassanik isumaginninneq, allakkat, tusarniaanerit, nutserinerit, pitsaassutsinik qulakkeerisarnerit, arkivimik aqutsineq, kiisalu sulianik aqutsineq ineriartortitsinermilu suliassat. Taakku saniatigut sammisaqartitsinernut, saqqummiinernut aamma assersuutigalugu suliani sullissinissamut suliffeqarfimmi ilitersuutit, malittarisassat, suleriaatsit ilitersuutillu pillugit sanilinut ilinniartitsinernut, pisiniartarnernut, kiffartuussinernut suliffeqarfiullu iluani suliassanut allanut pilersaarusiorneq ingerlatsinerlu ilaatinneqarput. Aamma imikkoortortaqaarfimmi Naalakkersuisoqarfimmi qitiusumik IT-mut atortut suleriaatsillu digitaliusut ingerlanneqarneri, ataqatigiissaarneqarneri ineriartorteqqinneqarnerilu akisussaaffigineqarput, taakkunungalu atuisunut ikiuuttarneq, atortunik aqutsineq aaqqiissutissanillu ditigaliusunik nutaanik atulersitsisarneq ilaatinneqarput.

Fuldmægtiginik/suliniutininik aqutsisunik/ataqatigiissaarisunik marlunnik immikkoortortaqaarfimmi sulisut Naalakkersuisoqarfimmilu aqutsisut suleqatigalugit Naalakkersuisoqarfiup suliassaataanik ataqatigiissaarisarnermi qitiusumik suliassat isumagineqarnerini, kiisalu Naalakkersuisumut kiffartuussinermi suleqataasinnaasunik pissarsiorpugut. Atorfik immikkoortortaqaarfimmi suleqatit allat kiisalu naalakkersuisoqarfimmi immikkoortortaqaarfiit qanimut suleqatigilluinnarlugit sulinermik imaqarpoq.

Suleqatigiinni pinngitsoorneqarsinnaanngitsutut suleqataassaati, aammalu suliassatit piginnaaneqarfitit, misilittakkatit soqutigisatillu nassatarisatit tunngavigalugit aaqqissuunneqassapput. Tassalu sulisut ataasiakkaat suliassatut allassimasunik tamanik isumaginninnissat naatsorsuutigineqanngilaq; suliassat fuldmægtigit/suliniutininik aqutsisunik/ataqatigiissaarisunik marluusut akornanni agguarneqassapput, suliassat naapertuuttumik oqimaaqatigiissumillu agguarneqarnissat qulakkeerniarlugu.

Pikkoriffiit piginnaaneqarfillu matuma kinguliani taaneqartut amerlanersaat pigissagitit naatsorsuutigaarput:

- Attuumassutilimmik ingerlaqqiffiusumik ilinniagaqassasutit.
- Oqaatsit atorlugit taamatullu allattariarsorlutit attaveqateqarsinnaaneq pikkoriffigissagit.
- Kalaallisut danskisullu oqaatsit allattariarsorlutit oqaluinnarlutilluunniit pitsaalluinnartumik atorsinnaassagitit, aammalu tuluttut minnerpaamik oqaloqateqarsinnaassasutit.
- Ataqatigiissaarineq taamatullu namminersorlutit sulisinnaaneq pikkoriffigissagitit
- Pisuni ulapaarfiusuniluunniit eqaatsumik aamma aaqqiisinnaassasutit.
- Ilikkartikkuminartuussasutit, kisiannili aamma nammineerlutit misileraallutit ilinniarsinnaassasutit.
- Ilakkuminartuussasutit suleqateqarnerlu pikkoriffigissavit.
- Kalaallit kulturiannik inuiaqatigiinnillu ilisimaarinnittuussasutit.

Neqeroorutigaaavut:

- Atorfik, politikkikkut aalajangiisarnert qanillugit suliffiusoq.
- Sullivimmi avatangiisit pingaartorsiorfunngitsut, naalakkersuinikkut aqputit naatsut suleqatillu suliatigut pitsaalluinnartumik aaqqiinissamik pingaartitsillutik tunniusimasut.
- Sullivimmi avatangiisit allanngorartut.
- Inuttut suliatigullu ineriartornissaq.

Paasissutissat amerlanerusut

Atorfik pillugu annertunerusumik paasisaqarusukkuit Immikkoortortaqaqfimmil Pisortaq Aviâja Mørch Amondson telefonnr. 34 52 52-imut imaluunniit e-mail avma@nanoq.gl aqputigalugu attaveqarfigisinnaavat.

Namminersorlutik Oqartussat pillugit annertunerusumik paasisaqarusukkuit, Naalakkersuisut nittartagaat www.naalakkersuisut.gl aqputigalugu atuagaqarsinnaavutit. Atorfinitsitsinissamut oqaloqatiginninnerit ingerlaavartumik ingerlanneqartarnissaat naatsorsuutigineqarpoq.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginninniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.